

## Чин молебнаго пения о сохранении творения Божия

*Текст молебнаго пения утверждён решением Священного Синода от 13 июля 2015 года, который надлежит совершать во всех храмах Русской Православной Церкви ежегодно в первое воскресенье сентября.*

**Священник:** Благословён Бог наш всегда, ныне и присно, и во веки веков.

**Хор:** Аминь.

**Диакон:** Слава Тебе, Боже наш, слава Тебе.

**Хор:** Царю Небесный, Утешителю, Духе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

**Чтец:** Святыи Боже, Святыи Крепкий, Святыи Безсмертный, помилуй нас. **(Трижды)**

Слава Отцу и Сыну и Святому Духу, и ныне и присно и во веки веков. **Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. **(Трижды).**

Слава Отцу и Сыну и Святому Духу, и ныне и присно и во веки веков. **Аминь.**

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Псалом 103**

Благослови, душе моя, Господа.

Господи, Боже мой, возвеличился еси зело. Во исповедание и в елелепоту облелся еси.

Одеяйся светом, яко ризою, простираяй небо, яко кожу.

Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный.

Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им.

Предел положил еси, егоче не прейдут, ниже обратятся покрыти землю. Посылаяй источники в дебрех, посреде гор пройдут воды.

Напаяют вся звери сельныя, ждут онагри в жажду свою.

На тих птицы небесныя привитают, от среды камня дадут глас.

Напаяяй горы от превыспренних Своих, от плода дел Твоих нас

Ытится земля.

Прозабаяя траву скотом, и злак на службу человеком, извести хлеб от земли.

И вино веселит сердце человека, умастит лице елеем, и хлеб сердце человека укрепит.

Насытятся древа польская, кедр Ливанский, ихже еси насадил.

Тамо птицы вогнездятся, еродиево жилище предводительствует ими. Горы высокая еленем, камень прибежище заяцем.

Сотворил еси луну во времена, солнце позна запад свой.

Положил еси тьму, и бысть ночь, в нейже пройдут вси зверие дубравнии.

Скимви рыкающие, восхитити и зыскати от Бога пищу себе.

Воссия солнце и обратися и в ложах своих лягут.

Изидет человек на дело свое и на делание свое до вечера.

Яко возвеличишася дела Твоя, Господи, вся премудростию сотворил еси, исполнися земля твари Твоея.

Сие море великое и пространное, тамо гади, имже несть числа, животная малая с великими,

тамо корабли преплавают, змий сей, егоже создал еси ругатися ему.

Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благодати. Отвращшу же Тебе лице, возмутятся, отымеши дух их, и исчезнут, и в персть свою возвратятся. Послеси Духа Твоего, и сойдутся, и обновishi лице земли. Буди слава Господня во веки, возвеселится Господь о делах Своих.

Призираяя на землю, и творяя ю трястися: прикасайся горам, и дымятся. Воспою Господеву в животе моем, пою Богу моему, дондеже есмь. Да усладится Ему беседа моя, аз же возвеселюся о Господе.

Да исчезнут грешницы от земли, и беззаконницы, якоже не быти им. Благослови, душе моя, Господа.

**Слава** Отцу и Сыну и Святому Духу, и ныне и присно и во веки веков. **Аминь.**

**Аллилуия, аллилуия, аллилуия, слава Тебе Боже. (Трижды).**

**Бог Господь: глас 6**

**Диакон:** Бог Господь и явися нам, благословен Грядый во имя Господне.

**Стих 1:** Исповедайтесь Господеву, яко благ, яко в век милость Его.

**Стих 2:** Обышедше обыдоша мя и именем Господним противляхся им.

**Стих 3:** Не умру, но жив буду и повею дела Господня.

**Стих 4:** Камень, егоже небрегоша зиждущии, сей бысть во главу угла, от Господа бысть сей и есть дивен во очесех наших.

### **Тропари, глас 6**

**Хор:** Помилуй нас, Господи, помилуй нас,/ всякаго бо отвѣта недоумѣюще,/ сию Ти молитву, яко Владыце,/ грѣшнии, приносим, помилуй нас.

**Слава** Отцѹ и Сыну и Святому Духу.

**Иже** древле в Вавилоне гордыя языки поразивый, Господи,/ праведнаго Твоего прещенія избави ны./ Пощади грѣшныя люди Твоя,/ яже стяжал еси Твоею Кровию;/ не предаждь нас погибели от дел рук наших,/ иного бо, разве Тебѣ, Бога не вемы,/ и воззови погибающим:/ Аз есмь с вами, и никтоже на вы.

**И** ныне и присно и во веки веков. **Аминь.**

**Милосердия** двери отверзи нам,/ Благословенная Богородице,/ надеющися на Тя, да не погибнем,/ но да избавимся Тобою от бед,/ Ты бо еси спасение рода христианскаго.

**Диакон:** Вонмем.

**Священник:** Мир всем.

**Хор:** И духови твоему.

**Диакон:** Премудрость, вонмем.

**Чтец:** Прокимен, глас 1: **Буди,** Господи, милость Твоя на нас, якоже уповахом на Тя.

**Стих:** Господи, услыши молитву мою, и вопль мой.

**Диакон:** Премудрость.

**Чтец:** К римлянном послание святаго апостола Павла чтение.

**Диакон:** Вонмем.

**Апостол, зачало 98 (Послание к Римляном глава 8, 22-27).**

Братие, вемы яко вся тварь с нами совоздыхает, и сболѣзнет даже до ныне: Не точно же, но и сами начаток Духа имуще, и мы сами в себе воздыхаем, всыновления чающе, избавления телу нашему.

Упованием бо спасохомся. Упование же видимое, несть упование; еже бо видит кто, что и уповает? Аще ли егоже не видим, надеемся, терпением ждем. Сиче же и Дух способствует нам в немощех наших; о чемом бо помолимся, якоже подобает, не вемы: но Сам Дух ходатайствует о нас, воздыхании неизглаголанними. Испытай же сердца, весть, что есть мудрование Духа, яко по Богу приповедует о святых.

**Аллилуиа, глас 4:**

**Боже,** ущедри ны и благослови ны.

**Стих:** Просвети лице Твое на ны, и помилуй ны.

**Диакон:** И о сподобитися нам слышанию святаго Евангелия, Господа Бога молим.

**Хор:** Господи помилуй. **(трижды).**

**Священник:** От Матфея святаго Евангелия чтение.

**Хор:** Слава Тебѣ Господи, слава Тебѣ.

**Евангелие от Матфея, зачало 100.**

**Рече** Господь своим учеником, якоже молния исходит от восток и является до запад, тако будет пришествие Сына Человеческаго. Идеже бо аще будет труп, тамо соберутся орли. Абие же по скорби дний тех солнце померкнет, и луна не даст света своего, и звезды спадут с небес, и силы небесныя подвижутся. И тогда явится знамение Сына Человеческаго на небесах; и тогда восплачутся вся колена земная, и узрят Сына Человеческаго, грядуща на облацех небесных с силою и славою мною. И пошлет Ангелы Своя с трубным гласом велиим, и соберут избранныя его от четырех ветр, от конец небес до конец их. От смоковницы же научитесь притчи: егда уже ваия ея будут млада и листие прозябнет, ведите, яко близ есть жатва. Тако и вы, егда видите сия вся, ведите, яко близ есть при дверех.

**Хор:** Слава Тебе Господи, слава Тебе.

**Ектения:**

**Диакон:** Помилуй нас, Боже, по велицей милости Твоей, молим Ти ся, услыши и помилуй.

**Хор:** Господи, помилуй. *(трижды)*.

Еще молимся о Великом Господине и отце нашем Святейшем Патриархе Кирилле, и о Господине нашем Высокопреосвященнейшем (или: Преосвященнейшем) митрополите (или: архиепископе, или: епископе), и о всей во Христе братии нашей.

**Хор:** Господи, помилуй. *(трижды)*.

Еще молимся о Богохранимем стране нашей, властех, воинстве ея, да тихое и безмолвное житие поживем во всяком благочестии и чистоте.

**Хор:** Господи, помилуй. *(трижды)*.

Сотворивый мир и вся, яже в нем, Господи, прими покаяние наше и во время потребно послй земли дождь и благорастворение воздухов, умири стихии, да грех наших ради не мучается и страждет тварь, молимтися, услыши и милостивно помилуй.

**Хор:** Господи, помилуй. *(трижды)*.

Делом гордых противящийся, Господи, дела рук наших исправи, да не обратятся на главы наша и не погубят ны беды и напасти, но призри на смирение наше и низпосли благодать и мир, молимтися услыши и милостивно помилуй.

**Хор:** Господи, помилуй. *(трижды)*.

Да не страждет лихоимств и беззаконий ради наших творение Твое, Господи, но да сохранится невреденно от всех навет вражиих, молимтися, услыши и помилуй.

**Хор:** Господи, помилуй. *(трижды)*.

Еще молимся о еже не помянути беззаконий и неправд людей Своих, и отвратити от нас весь гнев Свой, праведно на ны движимый, и не погубити мир сей гланием, жаждою и иными бедами, но сохранити его и нас пощадити, молимтися услыши и помилуй.

**Хор:** Господи, помилуй. *(трижды)*.

**Священник возглас:** Услы́ши ны, Бо́же, Спаси́телю наш, упова́ние всех конце́в земли́ и су́щих в мо́ри далече́, и ми́лостив, ми́лостив бу́ди, Влады́ко, о гресе́х на́ших, и поми́луй ны. Ми́лостив бо и человеколю́бец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

**Хор:** Ами́нь.

### **Молитва о благостоянии мира**

**Благословен** еси́, Го́споди, Бо́же Вседержи́телю, сотвори́вый не́бо и зе́млю со всею́ ле́потою их, просвети́вый день све́том со́лнечным и ночь уясни́вый заря́ми о́гненными, вся́кия тва́ри Тво́рче, созда́вый от земли́ челове́ка, отпа́вшаго же и преда́вшаго Тя, назда́вый па́ки Честно́ю Кро́вию Единоро́днаго Сы́на Твоего́!

При́зри с Небесе́, Бо́же, и ви́ждь, я́ко се́тует земля́, и древесá и бы́лие исче́зают, зве́рие и скóти, и пт́ицы небесе́сныя погиба́ют за нече́стие живу́щих на ней. Сего́ ра́ди в покая́нии припа́даем и вопи́ем Ти, да не погуби́ши мир Твой и нас со беззако́ными на́шими, но да́руй обра́щение безу́мным сынóм челове́ческим и спасе́ние им и тва́ри им покоренной.

**Благословен** еси́, Го́споди, потóпом омы́вый при Но́е грех челове́ческий! Да́руй нам пото́ки слезны́я и омове́ние скверн на́ших, да обратимся от злых дел, хищени́й и неправд на́ших, во е́же хранити́ досто́яние Твое́.

**Благословен** еси́, Го́споди, Бо́же Вседержи́телю, при Ло́те попали́вый ме́рзости Содомския́ и Гоморрския́ и очи́стивый Зе́млю Обетова́нную от скверн их! Да́руй исправле́ние извращенным и стрóпотным ума́м и се́рдцем челове́ческим, да позна́ют путь Твой.

**Благословен** еси́, Го́споди Бо́же Вседержи́телю, Иже приш́ествием Возлю́бленнаго Сы́на Твоего́ обнови́вый и очи́стивый всю тварь! Да́руй, да уве́руют лю́дие всем се́рдцем и просла́вят Тя и Единоро́днаго Сы́на Твоего́ и Утешителя́ Духа Свята́го, да человеки́ и стихиями́ и всею́ тва́рию сла́вится пречестно́е и великоле́пое Имя́ Святы́я Трои́цы во ве́ки веко́в. Ами́нь.

### **Ина молитва**

Го́споди, Бо́же Вседержи́телю, Содетелю́ и Тво́рче вся́ческих, покрывáяй вода́ми превы́спрення́я Сво́я, всю зе́млю древесы́ многови́дными и живóтными разли́чными напо́лнивый, и животворя́яй ю́, да вся тварь благодарит́ Тя, Изряднохудóжника. Ты еси́ Иже и челове́ка сотвори́вый по о́бразу и подо́бию Твоему́, и в ми́ре сем поста́вивый, во е́же возде́лывати и хранити́ его́.

Не отврати́ лица́ Твоего́ и ны́не, Го́споди Человеколю́бче, зря мир Твой расхища́емь от беззако́ний и страсте́й на́ших. Я́ко се́тует земля́, древесá и бы́лие исче́зают, зве́рие и скóти, и пт́ицы небесе́сныя погиба́ют за нече́стие сынóв челове́ческих.

Мо́лимся Ти, Всеми́лосе́рдый Бо́же, поми́луй ны, испóлни се́рдца́ на́ша све́том Твоего́ богора́зумия́ и приими́ покая́ние на́ше, да возде́лываем

мир Твой во благо душам и телесем нашим и во славу Пресвятаго Имени Твоего, Тебе бо подобает всякая слава, честь и поклонение Отцу и Сыну и Святому Духу ныне и присно и во веки веков.

**Хор:** Амѣнь.

**Диакон:** Премудрость.

**Священник:** Пресвятая Богородице, спаси нас.

**Хор:** Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

**Священник:** Слава Тебе, Христе Боже, упование наше, слава Тебе.

**Хор:** Слава Отцу и Сыну и Святому Духу, и ныне и присно и во веки веков. Амѣнь.

Господи, помилуй. **(трижды).**

Благослови.

**Священник отпуст:** Христос истинный Бог наш, молитвами Пречистой Своей Матере, преподобных и богоносных отец наших, и всех святых, помилует и спасет нас, яко благ и Человеколюбец.